



830242

潭西草續六

送徐耐村辭東津

新燕營故壘呢喃語繡閣鴻雁呼儔侶高天瞰寥廓歲歎雁聲哀歲豐雁聲樂豈不懷安樂鳳皇不我諾下視樊籠中雞鶩俯首啄人生各有志安能委溝壑河畔冰漸消一帆春水濶去去招舟子遠行殊不惡

短歌

仕宦不得執金吾娶妻不得陰麗華便當三萬六

潭西草續六

一

千日天台醉臥仙人家朝別青山巔暮辭白雲嶺四山麋鹿驚相呼一樹梅花淡無影眼中何所見耳中何所聞不見公孫開東閣但聞梁家甲第高連雲左嘯成龍右成虎蛇行四拜人紛紛天生男兒界兩膝爲妻子跪尙坦率鄉園饘粥何嘗無誰俾爾作處禪蚤昨日道路迎人來明日山川送人回舟車無怨亦無德水行陸行真快哉祇恐蹉跎歸去後面目羞見東鄰叟鄰叟一裘三十年負薪止向山中走

讀泰山志

昔者我將遊泰山泰山必先入我夢以遊爲夢夢亦遊爲夢爲遊盡有用重來東國今四年不曾一攬天門烟山昔何厚今何薄長怪夢不爲我先故人借我泰山志病臥披檢舊所至牀前如見封中雲頃刻繽紛彌大地人間久早望甘霖極知出岫非無心但願崇朝雨天下不遊不夢耽孤吟

自題載金圖

黃金高高過北斗駟馬載之不能走白金滾滾銀河翻紫標左之黃標右還家好置千頃田曲池廣宇相聯綿食客盈門頌功德美人並坐調管絃好官不過要得此政須多多益善耳如何捆載歸來時第寫圖書壯行李爲金爲書人盡知幾人面目慚畫師請看乃公作此卷無邊喜氣浮雙眉

題載金圖之夕夢賦歸率子姪收束書籍頰

勞頓欠伸而寤作此自嘲

清晨自題載金圖傳觀賓客相歡娛此去不須畏我友到家正可驕妻孥忽然夢中賦歸矣接棟連楹盡圖史新編秘惜如精金斷簡珍藏異敝屣醒來自笑還自憐圖成空勒詩一篇白晝所爲夜形夢此生本不名一錢君不見趙家焚香坐高閣相

伴祇有琴與鶴范釜生魚甑生塵誰雨青錢救落魄不死可得金可成封禪武帝求長生海上仙人未易致高高樓上望蓬瀛人生一物忌外取載金荒淫載書腐何如無圖亦無詩高枕安眠到日午

懷張金門

無書付鴻雁有夢到茅茨授業荒山裏埋名暮歲時老應人不殺賢自世難知如病強行藥長留定我詩

懷董勿軒

風雪長途下春寒旅雁哀遙知草堂底已見杏花

潭西草積六

三

開高興惟宜月殘香剩有梅如何三四載不寄一詩來

懷兩孫子

宦遊閒暇日多是憶吾孫仲也可能賦叔兮堪應門春花散巖谷秋月照邱園望我歸來早携居潭

上村

春寒

日色沈東海春寒倍覺多疊更冰外度雁陣雪中過只謂迎新歲相將塞大河風聲不解凍何處得

酣歌

對雪憶家

雨過千畦水春來萬樹花此時那有雪何事不還  
家寒夜孤衾敝閉官破屋斜河流猶未已泛海少  
仙槎

病

他鄉金盡處孤客病多時酒冷愁消慢衾寒夢到  
遲求仙曾服藥送鬼又吟詩借問庭前樹今春發  
幾枝

春

不獨春花少青青草亦稀短堤防濁水遠樹送殘

暉西草續六

四

暉與逐孤雲盡心隨獨鳥飛長望海清淺好買釣  
魚磯

曉聞清河水漲憮然有作 二月初五日

三尺漲痕添二月桃花春汛恐難禁如何不學恆  
河水六十年間一樣深

滄溟地迥有居人盡逐魚鹽傍水濱變作桑田原  
自好奈他海若不揚塵

早見蠶魚產灶頭家家門外繫虛舟難將雞犬青  
天上去學仙人拔宅遊

蠲租給廩遍荒城絳纈思深暖氣生却怪今年寒

至此春風吹雪不分明  
長繩百丈不須牽  
治海治河分後先  
河底有泥須下槌  
海中無石可拖鞭  
何曾大海拒黃河  
牡蠣口邊訛語多  
若道鐵門生鐵鑄  
玉門關上又如何

天小游仙  
人間處處有神仙  
白日高歌長夜眠  
却爲人間容不得  
盡驅雞犬上青天  
天象九重官府多  
尊官相遇禮嫌苛  
老彭自愛塵寰佳  
七百年光一笑過

潭西草續六

五

御風乘氣入空虛  
山有雲鸞水有魚  
一自仙家好游戲  
借人鵬背自騎驢

事業浮雲過太空  
牽牛洗耳古時風  
仙人亦復多虛誕  
竟說堯時作侍中  
天上悠悠多謫仙  
謫來住世少年奇  
才天上原無幾  
玉帝神霄也自憐

預壽伯兄六十

吾兄乙丑生  
今歲次甲子  
八月朔八日行年六十矣  
我遊東海濱  
君居彩雲裏  
無由酌大斗  
介壽蓬華底  
爾時巖桂枝  
纍纍黃金蕊  
清風徐徐至  
香氣

勃勃起扶將阿母與兼捧大母几進饌烏雌雞加  
餐白稻米左右顧婦孺謳歌聽鄰里怡怡諸弟昆  
雁行佐甘旨家庭有至樂不獨阿母喜忽然憶遠  
人得母門間倚再來了無補豈爲祿養仕鴻雁終  
難鳩鱷魚未易徙冬春迫寒暑夢寐及山水未逮  
懸車年亦幾杖鄉齒歸與不早賦徒自戀青紫假  
使今旋家土堂潔修灑豈敢言二老亦可笑相視  
人生在故鄉不知鄉味美遠道回白首乃悟昨非  
是矧值家慶時瞻望誰能已作詩寫尺素待與寄  
雙鯉

寄徐耐村

徐君寄我詩一卷一字三緘價猶賤夕月初出星  
有光百讀千回老不倦輶車早發東津門馬蹄淺  
印新泥痕長路無人慰酒渴一壺徑飲何處村只  
道君爲阮籍哭豈識高狂駭俗目擊楫悲歌倚樓  
吟絕勝彈絲與吹竹行到濟南湖水藍燈船玉手  
分黃柑况是揚州騎鶴客定知瀟灑如江南俗吏  
半生道上長手板脚鞞惹塵埃鵲華橋畔春色深  
觸著舊遊勞夢想此身所到聞呼號濁河晝夜還  
滔滔嫩柳纔黃宿麥短餅香無日空鬱陶我固閒

官千甚事不奈沓沓詔得意欲換輕笠披短蓑從  
君湖山共遊戲壯心已減十年前無情白髮羞老  
顛昨日清明臥車上倦聽杜宇啼墓田屈指佳節  
又上已不見成蹊有桃李問君一事君厭否片片  
雪花落海水

春光

春光不到杏花村老倦風塵自閉門繡勒絲韁芳  
草地夕陽影裏憶王孫

城東南堤成爲同官賦

畚鍤千夫荷沙堤鑄鐵如不憂城沒版何懼衆爲

潭西草續六

七

魚官是長貧後材當小試初閒情種桃柳春色映  
清渠

河畔

河畔私田已就荒深閨自祭馬頭娘一聲短笛來  
何處牛背前村臥夕陽

弔濱州倅張問遠

忽聞君已死風雪憶同舟救患分香餅安貧擁敝  
裘蒼生齊有淚白骨竟誰收一帶門前水春來尙  
濁流

午後行田間 三月二十三日

河水東流不復回老農徹夜自悲哀日長莫枕鉏  
頭睡門外催租吏早來

荅崔和衷先生

薜蘿久不易簪纓重許致身由  
聖明處士蒲

輪本難稱兒童竹馬亦相迎  
笑看境外飛蝗止坐見門前濁水清  
今日閑官閑太甚更無殊績到蒼生

絕句

鐵門關外水如天浪底魚龍擁  
客船海岸何人祠柳毅歸心觸起  
洞庭烟

潭西草續六

八

三月二十三日黃河塞

下民昏墊 帝不忍璧馬旣沉河  
伯鯨飛廉一

夕天上來約束鮫鱷如蚯蚓  
是日北風大作河遂南流馮夷頰

首顏色灰順流不敢輕徘徊  
乃知黃河一帶水听

然自喜胡爲哉百川清濁固時有  
萬載但循故道

走爲問積石導何年九折可曾一  
清否我皇

有德符帝堯宮中爲爾勤肝宵  
疏鑿縱使少神禹

穹蒼感應非遙遙豫克徐揚無  
濕土自此長

堤足千古秉圭服冕祠巍巍陽  
侯有靈嗜歌舞決

非爾罪塞爾功雲旗翠罕搖春  
風回首應笑漢孝

武瓠子河築宣房宮我今作詩維志喜月在戊辰  
歲甲子億萬斯年 帝不憂臣亦扁舟海雲裏

屬希尹題畫松卽以留行

官貧留客無綺筵美人不爲彈冰絃壁上畫松適  
一幅與君並坐聽風泉畫本非真亦非假亂舞虬  
龍草堂下澎湃波濤來滄溟陰深雲雨積盛夏其  
上萑蘿無附枝如人倔强兼支離亦許苦心容螻  
蟻肯教空腹藏妖魍若使老人手種此入土青青  
一松子十載幾度驚風霜一夕無由媚山水縱然  
宛轉邀君歌嘯猿警鶴愁空多試看畫筆一何好  
須臾老幹依巖阿詩家歸去不作賦世間何處覓  
奇樹我今局促成短吟看汝縱橫掃絹素

和希尹夜鳥詩

慈烏哺雛深樹枝枝上月明烏啼時畢逋衆雛解  
母意啞啞謂母無驚疑兒有羽飛有喙啄不憂彈  
射虺與蛇雌烏語雄卒哽咽雄烏顧雌終淒其幸  
得完卵翼長之尙恐孱弱須護持自是鬻子意良  
苦不是返哺望兒知烏乎爾雛依依在巢底寂無  
風雨安不危百折千回月欲落啼聲入耳何其悲  
我今有母在萬里一官幾載輕別離老人夜長寐

易覺如何不思遠遊兒君不見中庭樹上慈烏慈  
續夜烏歌

烏母哺子旦夕不違羽翼已就烏子將飛烏母謂  
烏子世路多險微地上螻蟻細田中禾黍稀得食  
不須飽早出及早歸汝不早歸吾思汝知汝飛飛  
向何所江上迎船大嘴烏謂是神鴉解巫語丁寧  
告汝勿學之牛背夕陽自容與鶉鳩之肉登於俎  
弋人增繳有時舉文禽彩翠毛羽鮮頃刻顧盼失  
儔侶汝於世人無患爭雄呼雌應風日晴舊巢既  
安新巢吉深林莫更鳴不平烏母語長烏子喩啞  
啞人豈知其故朝出得食暮返哺烏母有子喜不  
怒

題羣仙高會圖

長恨世上多神仙欲買仙山無一錢武陵問津不  
許再天台重到空雲烟誰歟深心出大力壺嶠縹  
緲招僊佺化國執祛意想外壺公縮地庭堦前爲  
此圖焉精且妍留贈後人供几筵將母繪形卽喬  
嶽定能除病如輞川圖中之人未悉數冠巾杖履  
皆悠然携樽挈榼無不可不曾鸞鶴乘蹻蹻乃知  
仙人肯徙步飛空絕迹皆妄傳仙山亦復在人世

林巒清迥泉石異門庭鳥獸全不驚岩壑風塵遠  
相避中有幽人無俗客便爲洞天與福地有時閉  
戶祇獨居有時開選共遊戲不飲則醒飲則醉諧  
語莊論各從志上壽一百二十年鬢髮期頽亦偶  
寄山耶仙山人耶仙如此無非亦無刺或言仙山  
海上浮波濤汨沒難從遊荒怪無稽不可信有人  
足力曾到不神仙卽好居高樓金銀宮闕殊謬悠  
瑤草琪花珠玉樹更無生韻祇雜揉何況仙人競  
高會往往飲食誇朋儔非鳳不炙麟不脯龜魚鹿  
豕翻優游又言仙山在天上清虛積氣安能留伯  
翳佐禹經山海曼倩仕漢記十洲是多寓言或欺  
誑何特質問仙山頭我自游覽此圖畫仙人爾自  
居丹邱我與仙人無交涉未知誰鵬誰鷺鳩

題春江圖

春江水綠春花紅畫家筆力如春風不費鮫綃二  
千尺烟波萬里歸圖中使我心已到江上行入布  
帆兩無恙江南樓閣江北村遠近齊將老眼放就  
中一處何深深三間草屋千樹林俯瞰清溪一萬  
仞有門半掩無僧尋此子定然絕繫援野鶴閒雲  
對無倦我縱見之不告人得毋畫家已曾見石橋

第幾誰騎驢前後綠心相於山水來遊亦佳士  
更添一僕携琴書當其天機所出沒自然生氣寫  
勃勃若使車馬填長安觸動緇塵俗入骨世人讀  
畫如治經蜀波楚浪空求形識得偶然會心處隔  
江渺渺羣峯青此畫何必大小李我亦不逐天隨  
子擲筆無詩亦無圖捲簾如見半江水

題崔樸畫

筆力何雄渾圖成氣爲尊入天無石色出地有松  
根猿鶴結遙想雲霞餘舊痕空山自千古不暇寫  
烟村

潭西草續六

三

贈希尹扇

白龍有鬣拔不得手映麈尾空玉色高人自折青  
松枝平頭奴子少氣力清風何惜如故人千里遙  
遙來相卽受命飲冰詫旦夕汗出淋漓未遑食義  
和尙欲停朱輪留住赤鳥奮兩翼深林竄冥暑不  
知有人濯足清溪側與君何爲在此地海波鼎沸  
亦相逼檢點團扇筩篋裏取置懷袖忘修飭座中  
幸遠庾公塵且伴陶潛臥窗北

希尹賦詩相謝復和一首

每笑會稽王內史書扇祇博老嫗喜不如謝公持

蒲葵小物聲價一時起來舟蕩滄洪濤中河神嗜  
好常人同兩袖編爛未刼去入門習習揚清風近  
日炎威如甯怒山谷咆哮失乳虎掃除斗室忘歎  
蒸赤腳踏冰無所苦賦詩贈扇聊相娛松枝菊葉  
陰森俱此夕可風亦可雅蠅營蚋嘍供胡盧豈無  
炙手絕倫者冠帶干夫拜牀下氣雲汗雨誰爲憐  
臥簟垂簾自瀟灑我有大扇人不知用之六合熏  
風吹終歲頽然老屋底仰視晴空恒赫曦君聞此  
言毋乃笑熱中膏肓疾難療不見古人貧賤時賢  
達飯牛聖屠鈞

潭西草續六

吉

空山美人鼓琴圖

山水佳處橫琴獨彈梅花  
一樹清香時來

是何美人顏如玉不貯漢帝黃金屋空山晝靜梅  
花香獨抱瑤琴彈一曲正聲寂寂無人聽衰鷺別  
鶴千青冥不見窈窕出洛浦湘君昨夜來洞庭琴  
在匣中祇獨晤絃在指下向誰訴畫師可是傷心  
人綿邈含毫神相遇男兒抱技矜軼倫侯門雜沓  
稱伶人高士若無戴安道輸他娥眉不曾頓水繞  
雲停調未改花落月明欲千載一朝天上騎龍歸  
悵望美人竟何在

擬王建老婦歎鏡

一奩明鏡如滿月廿載相依圓不缺今年心怯看  
菱花早見紅顏生白髮畫眉深淺少婦知老婦朱  
粉全不宜重繡鏡囊倩鄰女愛他曾照初嫁時

擬王建田家留客

四月風清小麥熟田家留客宿草屋客有車馬無  
停處車置門前馬繫樹田家於客不相知客是遠  
道初來時一夜安眠不復覺老翁倚牀呼大兒今  
年盜賊滿四野客僕旣倦我鄰寡似聞前村犬唁  
唁急起披衣看客馬

借閱漁樵耕讀圖因賦

潭西草續六

十四

何來畫史人中奴一生曾見山水無點染生緣四  
五尺云是漁樵耕讀圖啞啞老樹啼雌烏日長欲  
睡無工夫短榻魚鱗次畫軸婆娑老眼愁模糊詩  
人來自錦秋湖曾羅十斛明月珠每一詩成一大  
白三朝題遍狂歌呼炎風昨夜吹海隅晶簾破碎  
冰簟殊何可一日不讀書鄰家惱亂如索逋似此  
支沈應胡盧村醪有味空相酤人生樂事林泉耳  
忍憶故園思故吾青峯萬疊當城郭一江白水橫  
舳艫葛屨穿風逐走兔竹弓抱月墮飛鳧有時薪  
桂烹鮮鱸充筵薇蕨兼筍蒲隔牆相過是鄰友課

雨間晴真吾徒稻田百頃皆膏腴種瓜有疇芋有  
區我亦挾策牛背上水光漠漠看鳴雛草元何事  
供覆瓿金門獻賦欺庸愚儲柳田園詩自好但倩  
黃癡及倪迂高冠長劍胡爲乎束書不讀犁不扶  
及早歸從漁樵後莫教好手羞眉鬚

四月二十八日夜夢歸

昨夜夢還鄉登堂拜母氏問我來何日夢中記不  
起但覺母顏歡肥瘦未暇視大母亦在堂其癯乃  
無比須臾兩伯父扶杖偕至止相見喜且悲或疑  
在夢底嚙臂臂知痛仰望日出始歸來或是真得  
免門閭倚門前老烏鴉返哺思其子中夜月色黑  
啞啞啼樹底知鴉有夢無微物尙如此吾父亡卅  
載薄葬鳳山趾松柏幾許長墳土恐就圯胡爲並  
無夢哀哀淚如水

雨後

雨霽槐陰重庭軒日未西寢甘時夢鹿坐久一聞  
雞病僕應門嬾貧官見客稀繫心松菊遲千里暮  
雲低

思新居

敝屋亦非家歸心何太賒爲尋深淺樹欲問有無

花恩重鑑湖水情長勾漏砂移居想前日薪米不  
須車

自題小影

此身不生秦漢上躍馬橫戈敵膽喪坐令舉世無  
英雄胯下小兒拜大將上萬言書詎異事殿陛立  
譚取卿相不然游說兩君間如馬文淵亦足尙胡  
爲低眉摧心顏手板脚韉辱塵坱上官一見一屈  
膝不堪妻孥遙相望假使醜態入潛圖面目豈復  
男子狀前年早作田間叟坐臥丹崖與碧嶂一時  
解后平陵生爲我貌出荷鋤相今年又復厭奔走

潭西草續六

六

高笠短衫思放宕畫師四顧嘆無人經營何處勞  
意匠高密蒔家丹青好頭上不冠進賢樣大黃羽  
箭不在腰拄手九節青藜杖我有鬚眉乃畢見白  
髭較多固無恙麒麟凌烟古來稀山水中間神自  
王明年若不賦歸去負爾圖形入屏幃

五日題壁

曾逐龍舟楚水濱五絲角黍弔靈均齊風自爲田  
文壽白璧黃金餽近臣

高臥樓

借得樓居俯海城延清舊宅別題名梁鴻不是儻

春日王粲同餘作賦情高處何能望故里臥時還  
恐夢蒼生此身直待南歸後一枕安眠浣水清

題石

拜貴人愁拜石笑鐵石心腸夜相照白頭低抑霜  
雪侵前年搭膝鑄黃金跪問丈人來何處柱下瑣  
瑣難與語星使乘槎銀河旁天孫不贈雲錦裳搖  
落星辰滿天噴袖到人間藐玉笋西隣睥睨東隣  
走此夕公然爲汝有拜謝丈人吾何知檐前夜夜  
涼風吹心知不辭骨粉碎玉室金庭無人珮

題畫牡丹

潭西草續六

十七

多染燕支不著痕翩翩蛺蝶亦消魂天然絕代風  
流樣寄語春風莫市恩

高臥樓漫興

莫笑狂夫老更狂九層縹緲在何鄉戲分宏景延  
賓座懶下元龍臥客牀俗氣銷餘空海岱異書讀  
後小滄桑聞雞越石醒偏早北斗簷前倚劍長  
鐵門關外長鯨魚不使閒官有敝廬每笑買山纔  
吏隱誰知卜宅得樓居烟村羅列棋差似河水紫  
環帶不如僻縣城頭有何好憑欄亦愛夕陽餘  
有客不須吹玉簫詩瓢茗椀暮連朝高樓舊逐仙

人好偃臥新同處士驕最稱風前過夏日相期雨  
後度晴宵此身如出人間世天上雲霞手可招  
龜茲枕畔送潮聲疑踏金鼈背上行海市有樓應  
更好仙宮留客自多情如何馬援空聽笛不共王  
喬一弄笙金碧山川天外遠幾時安夢到昆明

雨後

雨後岑樓杖履清拄頤爽氣到軒楹巢邊弱羽毛  
猶濕郭外飛帆影自明翠靄連雲知稼茂白移過  
樹是人行許多俗客牆頭望一半相疑住赤城

畫鷹

潭西草續六

六

肅肅角鷹圖秋岩有此無棲梁移野鴿伏穴失城  
狐不擊豈情倦如飢宜貌癯頭鸞來海外會且薄  
雕雛

舊遊

萬里鄉園憶舊遊五雲多處古梁州深山筇杖松  
陰合磐石蒲團澗水流櫻筍味長容易飽鷓鴣語  
盡強相留家居祇此堪忘老况有琴書事事幽

豐國鎮

北溟東去渺無邊岸上居民有數椽可笑官衙成  
斥鹵也疑滄海是桑田漁人凌亂爭收網竈戶蕭

條半禁烟日暮鐵門關上望富商大賈泛樓船

讀審聲集無題詩偶題

詩中有三春怨結蕉心碧五夜愁消燭淚

紅之句

燭淚蕉心恨易添冬郎絕技是香奩老成詞賦古  
無幾少作文章人不嫌花月看餘思鏡水酸醜味  
罷外梅鹽獨存春草南山什始信詩名陶謝兼

樓上

高臥無心問徹俟不妨跣足更科頭涼雲只隔簾  
如水風雨模糊送上樓

閣道歸帆背日開鯨魚鼓浪不成雷隔城送到停

潭西草續六

十九

船鼓知是今朝海上來

竹簾

竹簾蘆席兩悠悠晝永無人到上頭今日齊州甘  
佐郡只如高臥抱孫樓

一卷

一卷殘書作枕頭神龜牀脚百無憂夢中莫向邯  
鄲道去與君王乞列侯

樓上作

赤日行長天如金出大冶炙手手可熟誰是造冰  
者東南有高樓移居許暫假樓上已如秋人間仍

是夏簾動微風來香燼夕陽下散髮任所適深情  
付古瓦不礙鳥雀喧蒼蠅到且寡樂事非軒冕幽  
懷是草野如何樓外人顏垣認大厦

涼風

涼風時到北窗閒搖扇平頭盡日閑怪得終南高  
尚士不曾逐熱倚冰山

佐郡

佐郡遙遙大海濱乘槎無處動星辰每因霖雨慚  
良弼安得雄風快庶人蝶爲官閒時入夢龜言年  
老可抽身浮沉通隱從來少二疏何曾是逐臣

寄耿希尹

騎驢歸去太匆匆自掉孤舟少海中可信移家如  
聞苑竟能放眼出虛空烏鴉聲傍高樓兩槐柳陰  
深舊院風唱和早成詩一卷傳人何必是三公

醉歌三首

萬樹扶樓齊下拜樓上仙人玉帶解蒼蠅側翅飛  
不前手揮塵尾望青天風不到海風小王雄庶  
雌一齊掃長梯上倦人三休獨自憑闌看飛鳥大  
鵬南徙雲翼垂沙漚與客盟水湄小知大知各有  
分人生嗜好無定時興來且飲青州酒不醉莫便

下樓走高樓日落易黃昏欲摘星辰懶舉手

其二

海外仙人跨鶴背  
羶鶴飢鸞羽毛碎  
長鯨千里青山高  
卷入窄袖飾玉袋  
御風客向海上來  
路逢仙人暫徘徊  
瓊子珊珊欲飛去  
手出蟠桃三五枚  
桃核半片大如掌  
桃實已熟我未穰  
料得花開顏色鮮  
仙人有爪我背癢  
仙人無情不可留  
東烏西兔何悠悠  
下土蟠桃種難熟  
且借大鵬天外遊

其三

世上仙山不易有  
天台旣出空回首  
劉郎太愚阮

渾西草續六

五

耶癡逢着仙人怕  
飲酒仙家半載何  
逡巡人間下界春  
復春王質看棋一  
斂局方平見海三  
揚塵未得長生且長  
醉醉後涼牀穩可  
睡長川鯨吸真豪  
雄高枕龍眠亦遊  
戲泉在山中清不  
濁雲在山中閒不  
飛百年有人山中  
住不望鶴出望鶴  
歸

雲

奇雲奇山不相讓  
一例突兀青天上  
我今愛山不愛雲  
此語一出人驚創  
十里青山可結屋  
萬里白雲白蕩瀟  
山中有田兼有泉  
有田種稻有泉釀  
雲只蔽天不作雨  
焦土流金日怏怏  
矧又無端變幻

多蒼狗白衣逐風颺或言雲端有仙人手持九節如意杖我無騰空天馬足縱欲問之未由訪渺渺何處是帝鄉漢寢秦陵鬱相望山中時見雲千縷不見雲中峙疊嶂稽首雲將捲雲去還我空明太清樣他年若向山中歸再爲山雲貌屏障

雨中

樹底濃雲曉不流臥看白雨入高樓檐端早作飛泉響送到深山八月秋

雲

樓頭雨止夜烏棲共說田間雨一犁尙有忙雲閒

潭西草續六

三

不得紛紛飛過海城西

日

日日懷鄉土年年與願違一官閒處老萬事雨中稀潮潤魚鰕上林深烏雀歸高樓不肯臥去去欲何依

早行

起視虛窗夜氣清橫鞭上馬出西城荷鋤人已如林立莫道門前天未明

在濱州雨

聽雨吾廬好他鄉倦倚欄粘天雲不斷入地土無

乾情似悲秋，早心同望覓。難誰人借龍背，蹴踏九  
霄寒。

題畫竹

兔穎何人逕掃殘，枝枝葉葉報平安。分明曾入瀟  
湘詠，不是松間惡竹竿。

作記甚難如寫真，枉將形似費精神。從君第覓初  
生筍，要共鮮魚入饌頻。

偶題

南北東西窗盡開，涼風一到一徘徊。清閒福分知  
多少，浪向人間消受來。

潭西草續六

三

樹色

牆頭樹色綠當牕，忽憶春風泛客艫。浪靜舟人無  
一語，孤篷揭起看晴江。

身閒

身閒鄉思便環生，幾夜歸家夢不成。長記浣江橋  
畔柳，春風裊裊最多情。

落日草堂辭四鄰，雲山莫更憶征人。此行祇是經  
年別，歸去鄉村賽社神。

悞人秋月與春烟，彈指流光已五年。料得兒孫都  
長大，怎禁白髮憶燈前。

長日庭磚影不移自安筆硯自題詩  
篇終半是思家語海水茫茫無盡時

一簾

暑氣驅人萬火牛不因避客亦居樓  
一簾好景風兼雨縱有千金未易酬

十年

十年宰相易神仙煨芋盈筐值幾錢  
不是道人輕薄甚名山深處汝無緣

雜詠

刀光閃爍電光開落日孤舟江上來  
一首詩成豪

潭西草續六

五

客散綠林意氣尙憐才

熱

老樹墮烏鳶深潭竄魚鱉千年破塚底狐兔亦畏  
熱忍渴逐赤日轅下駒汗血沉沉柳陰中散髮鍛  
生鐵洪爐雖炎炎清風自激烈人生秉性異孰能  
固高節青山入杳冥上有太古雪真仙九成臺獨  
自飲芳冽寄語拾金人召薪須決絕

有雲

有雲如壤山隕地人厭伏半日不肯散沸鬱到草  
木老子搜世網得暇方休沐偃臥高樓中冠巾忘

拘束常恐病內熱鼻頤時頻頰如何飛檄來畏途  
催徵逐大壑聽長松絕磳蔭修竹同是天所生清  
濁判榮辱世事皆自求至理在止足已矣無復言  
行當返空谷

日日

飛帆日日過城頭爲問何人肯上樓但有涼風無  
熱客不妨一月不梳頭

好風

樓前老樹影扶疎樓上垂簾可讀書坐久不須愁  
夏熱好風多在夕陽餘

長日

長日閒官樂有餘蒼蠅踪跡與人疎兒童一半昏  
昏睡自捲湘簾看道書

涼風歌

如此涼風不易索先涼毛髮後肝膈風也於人何  
所親未敢披襟問風伯初來樹杪枝葉搖簾前漸  
覺聲蕭蕭十步蒼蠅盡倒退虐人酷暑爭潛逃長  
安道上未必有不爾人何揮汗走亦應不入田竇  
家氣韶薰騰笑雞狗朝朝暮暮涼風吹風中坐臥  
能幾時別有狂飈從虎嘯行墮虎口嗟不知乃信

風也爲我德好夢引入華胥國有鞵不結巾不簪  
多謝趨炎附熱客

涼風後歌

山中不解豎風涼松根尙著棉衣裳爾來奔走四  
五載相逢逐熱人如狂涼風一到北窗下忘却六  
月是盛夏稽首贊嘆誰能休乍如得未曾有者契  
如絕域逢故人驟如大寒來陽春爽如沉疴忽去  
體快如暴富不言貧乃知風雨天無私亦須得地  
兼得時假如甘霖沛沃壤未免恩德人不知又如  
羣生有飢渴底用大烹與初釀華筵錯列直千金  
豆飯麥羹笑不達風兮風兮真有緣與君相約三  
伏天我若一日不歸山中去不可一日不到高樓  
邊

題畫魚

滄海本至寬潛魚枯以餌旣枯空復泣作書與魴  
鯉神龍不可制孰敢取其子魚服遊江潯天帝訴  
不理貪得非所宜輕出亦足鄙四顧無網罟樂乎  
乃如此此畫誰能爲非魚知魚矣持竿空有人茫  
茫萬丈水

再出名山是白頭  
薤龍巢許盡悠悠  
今生合作農夫  
未間煞東臯兩  
犍牛展卷留題  
又一年有人曾  
否代耕烟如逢  
儘婦應相笑不  
種原田種石田

戲作

冷官不喜熱與熱  
原異趨熱官何爲  
亦畏熱熱外熱  
中寧有殊大熱  
勢將及骨髓小  
熱亦且侵髮膚  
人身安能固金石  
早知六月飛霜  
無假如因熱得  
高爵熱官伏日  
圍洪爐必不分  
與冷官受氣雲  
汗雨欺吾徒倚  
藉冰山擁水閣  
鷺毛大扇搖四  
隅一曲霓裳羽  
衣舞熱官避熱  
終歡娛大笑冷  
官不耐熱空有  
冰心傾玉壺

涼風

涼風只在北窗前  
不解衣襟亦灑然  
問有何人能領取  
知無餘事可流連  
一簾影動樓如水  
半榻香銷日似年  
却被長途催羽檄  
清齋老馬欲加鞭

風日

日色猶如火風情  
已似冰悲歡憐白  
墮進退笑蒼蠅  
卽此堪銷夏惟  
余豈負丞聞人  
閒亦慣海上看  
飛鵬

大暑

詩家往例惜春去千載無人留暑住四時於歲皆  
平分豈知薰蕕判好惡九旬氣象空慨台人間早  
望秋風來河朔少年尙豪舉浮瓜沉李相追陪古  
人比汝於酷吏第有誅求無撫字若令夫日扳轅  
留定是蠅蚋競狐媚潮州手筆工送窮不曾送暑  
三伏中柳州又作乞巧文亦不從秋乞清風二子  
於此計皆左仕止紛紛受弔賀君不見義熙北窗  
止高臥羲皇上人自許可

夢人以詩冊相示中有登山詩甚奇偉欲和

潭西草續六

天

之未果隨夢至一小齋名花秀發香氣襲

人賓主酬酢移時而醒

孤峯刺天天雨血飛灑山腰作絳雪羣仙來遊如  
蟻屯不愁山崩愁天裂雲霓繚繞天門開三十六  
帝森森排帝旁投壺玉女笑羽林夜獵天狼回世  
上紛紛指五嶽窄逕崎嶇石磴礪山下看天天近  
山登山星辰遠難捉羣峯空自磨虎牙濃雲密雨  
相周遮誰似此峯出天外媧皇半道迴龍車人生  
安穩是隨俗休凌絕頂倡高曲山前有屋三五間  
坐受花香醉醺醺

題捕龍圖後

雷公捕龍夜行雨兩手夔夔擊天鼓一龍踴躍不敢休一龍鼾睡若無視天瓢傾注甘霖多濕透人間一尺土帝命雷公書勳勞躍者垂頭睡者舞雷公不是不分明旁有巫咸善爲蠱明日行雨又捕龍不知龍螫誰家廡

游仙曲

九重天上天不動斧斯若木作梯用關門虎豹如犬馴不曾吠客聲嘻嘻上帝清朝特賜宴天上天人相見自持北斗灑酒漿金輪徐引玉漏長霓

潭西草續六

元

裳一曲來月宮歌喉宛轉隨天風小臣醉領歌中意再拜退作玉樓記研池汲罷銀河乾瑤妃磨墨海波翻綠字書成雲五朶上之天帝制曰可樓上勒文有圭璧歸來不見殞星石

哭張孝廉

名熾德彌勒人邱縣令張公之子

金丸不忍彈鳳羽玉斧不忍析桂樹人世生材原甚難無端催折亦何苦孔家旣失趨庭人揚子草元徒傷神蘭敗秋風玉碎斗春相悽悽輟鄰叟或言暫主芙蓉城花發夾道美人迎或言乘虬赴帝召縹緲瓊樓未易到天上甚樂不思家地上之人

涕如麻况我老友窮遊在萬里豈可左右承顏少  
令子造物無情至於此

七夕後一日

天孫良夜恨迢迢歲歲銀河駕鵲橋乞巧平生不  
曾慣竟忘七夕是前宵

移居城西

到門先見樹並坐有幽禽早償移居願重生避俗  
心秋風城外早涼雨夜來深急與東鄰約同爲抱  
膝吟

連日宋步武王秋水鹿雪樵見過

潭西草續六

三

日與蒼蠅遠清風生座時相過無俗客一見出眞  
詩性癡秋蟬識人閒落葉知應門奴亦懶牆角自  
彈棋

晤譚春園明府

南望今幾載歸去尙無期行路難如此當官拙可  
知蜃樓空入夢榕樹有餘悲不識明湖畔相憐竟  
屬誰

屬吳南齋畫

君畫非常理濡毫輒欲仙海山曾有助造化直無  
權遠客憐飛絮歸心憶杜鵑丹青肯留迹如到舊

林泉

讀宋步武成山近稿

讀君詩卷後神與謫仙遊  
鞭起秦皇石帆開徐市  
舟潮聲天盡處日色海東頭  
刺手鯨鯢影文章鎮古留

書東野句寄李星五先生

齊有隱君子姓名埋世間  
悲秋竊聞宋生傳惜無  
班人物古居上情懷今在山  
寄書東野句清峭養高閒

不景張悔堂學博寄書並膠西李石樵畫

潭西草續六

三

不是青齊兩要官  
一年一見亦艱難  
忽報空中書已到  
秋風黃葉滿闌干

寄到膠西好畫家  
芭蕉葉瘦玉梅斜  
平生分得秋冬氣  
不望人投富貴花

石子真寄書及詩並張烈婦事畧

飄泊不知處傳來詩卷多  
清秋木葉下薄暮雨聲  
過酒冷從今醉燈殘  
憶昔歌堪悲賦團扇欲  
和竟如何

書張烈婦傳後

凜凜生氣是女子  
世上男兒羞殺矣  
君不見嶧縣

烈婦張士景妻徐淳女夫死四日婦亦死爲景也  
婦已三年不忍獨生求其是舅姑姊姒莫能止烈  
婦之烈烈如此長山石子寄書來要我徵詩傳後  
禔烈婦志死非求名哀烈婦詞須烈士文人無行  
安可傳生值 昇平譚性理義孫義子甘爲之此  
而譽婦婦曰恥受命 朝廷公不私不如且待  
有司誅君不見佳傳未立先索米北魏書成號穢  
史陳壽魏收曷足取嗚呼安得韓門李翺有楊烈  
婦高愨女

題吳南薌山東三大圖

澠西草續六

三

昔者漢有司馬遷歷覽天下名山川交游豪俊窮  
幽燕文章奇鬱西漢間猶嫌耳目隘且偏及登廟  
堂心穆然如浮滄海凌岱巔車服禮器先澤傳低  
回不去將判年向平自畢婚嫁緣宗炳祇圖衣袖  
邊之二子者何藐焉南薌今日勾吳賢半生齊魯  
常流連袖携大筆如大椽縮海一勺山一拳圖成  
氣象看萬千乃信觀海爲水難小天下者非妄言  
吁嗟孔聖誰躋扳再拜繪之如繪天悵望松柏紛  
連蜷我亦曾攬天門烟白馬匹練神情帽爾來欲  
買徐市船十洲三島求神仙颺風未必眞吹還一

官匏繫終拘牽龜山狄水徒鳴絃小詩題畫無完  
篇卷歸君苟高枕眠故鄉有夢安林泉一邱一壑  
清而妍桃花春水營墓田醒來月落星高懸長見  
君畫雙眼前

謝吳南薌作聽泉圖

久與清溪別長松影自孤誰知落木候乃得聽泉  
圖踽踽無僧伴森森待鶴俱短筇高笠下吾亦識  
真吾

題吳和軒滄江曉發圖

十丈樓船待曉開大江中載謫仙來兩頭清酒千

潭西草續六

三

詩卷爲報天吳莫浪猜

張溟洲太守邀陪諸公燕小滄浪亭

落日西山暗湖邊樹色明管絃留客醉風月赴秋  
清刺技魚龍出歸船燈火橫來宵思此處一水隔  
盈盈

歸鶴吟爲鄧頌伯作

名石如懷寧人

山人前身鶴一隻此生非鶴不爲役驕矜勢力難  
相子歸鶴嶽嶽蘭歸壁逸士俠客一身兼能令太  
守貪亦廉鳳瑞麟祥世上少作書大笑掀長髯三  
十三峯千金聘百年前已聲價定化鶴不負袁郎

中豈是區區爲僧競鶴去，山人心傷悲鴛歸。山人  
歌別離，山人歸去鶴在否，千里百里長相思。

吟歸鶴之次日南蕘復爲頑俚作載鶴圖重

爲此歌

秋風嫋嫋秋月明，江干無際孤舟輕。落雁飛鴻不  
知數，中有山人聽鶴鳴。山人作客宿人廡，豈有千  
金聘鶴侶。寫經自欲籠鸞羣，作賦空將獻鸚鵡。一  
聲清唳來山椒，長松翠竹凌青霄。子晉吹笙情脉  
脉，浮邱把袖意迢迢。主人暫出爲世用，携鶴何辭  
減清俸。登車且許瑤琴隨，仗劍祇教駿馬共寸心。

潭西草積六

言

慷慨持贈時，深情一片江水知。洲上忍飢視魚子，  
磯邊亂啄看鷓鴣。江水清清影爲濕，五尺昂然如  
人立。牙樁錦纜紛相牽，作伴蓬窗甚底急。須臾天  
外是金焦，已過瓜洲望不及。九華山色秀可餐，誰  
能分飛偕鳳鸞。歸來妻孥笑相指，鶴似山人風骨  
寒。立壁原無雞狗擾，比鄰長耐鷺鴨惱。乘軒娛客  
胡爲乎，支遁門庭俗士少有夢不離北固山。多情  
只在集賢關，直將佛奴換名字。好與頑伯開心顏，  
昨日得鶴如得友。共濟不同吳越偶，今日寄鶴如  
寄身。爭食肯逐雞鶩後，名山第恨遊人多。莫矜善

舞頻婆娑樊籠一入門戶閉紅牆百尺高嵯峨山  
人祝鶴語絮絮同生天地孰非寄長憶江上風月  
秋船尾船頭掠雙翅何處長官喝道來共知衙齮  
非仙才黃鶴悲歌聽不得惡聲怒發轟迅雷一紙  
書成鶴無恙肉味未登鼎俎上從此山人快遠遊  
雨澗晴灘如同舫昨日示我歸鶴書我爲短吟聲  
唏噓延陵今又圖載鶴山人此行樂不樂載鶴鶴  
戲江上水圖鶴鶴飛腕底紙諒爲山人如是矣惜  
哉我歌平平耳

題得鶴圖

漁西草稿六

三

若無黃鶴贈歸去只空舟幸未開籠放長將鼓棹  
遊一心臨白水同夢入清秋勿使蛟龍得烟波江  
上愁

題寄鶴圖

獨立江臯衆所嗟院公山外寄烟霞排風本是仙  
人騎警露權歸佛子家殿上尙懷青鳥使池邊不  
啄白蓮花客來祇恐婆娑舞悞逐雞羣傍使車

夜坐憶家賢時赴朝城

夜靜星光大秋清樹影高空庭待殘月坐久憶兒

曹

晨有行人去家書寄汝看書中無別語只是說平安

客至

一庭黃葉落嘉客到門時瀟灑江山趣飄零海嶽詩身閒如載鶴氣靜不彈棋涼夜秋蟲響聲聲漏滴遲

我亦逢迎倦年年悔浪遊靜喧分一日主客共千秋詩酒全無用風雲不解愁安能騎鶴去長嘯大江秋

寄師望江荔扉兼憶默齋檀先生

潭西草續六

三

家鄉久已屬公卿到老風塵隊裏行能禮布衣眞下士不矜循吏豈沽名五絃彈罷江千里百首吟餘月二更與我神交今十載幾時聯轡返昆明雞狗年年罵董龍空山黃葉聽秋蛩誰如我拙君能愛豈有人癡世尙容關抱鐵門稱吏隱詩歌石鼎想仙蹤草堂搖落風流後臺道傳聞宿莽封

題山猿獻果圖

至人如止水默默空巖坐不見閒雲飛豈知野鶴過山猿來何處得桃一拳大中含玉漿多平分珠胎破至人口不語妄取聖所唾本不樹嘉木贈之

理則左慙慙爾意巖花膝前墮

興國寺爲秋水作

王子曾作闡佛論興國寺廢誰所修始言今行匪  
相左聊徵我詩紀舊遊我昔聽訟曾舍此陰陰夏  
木如清秋芟夷葦荻種荷芰香風深處盟白鷗四  
鄰赤子慶安流君家大族叢怨尤一官令人判喜  
愠五年愧此長淹留難忘秋水亭前月不禁騎馬  
時來游狂歌暢飲禪關歸去幾日今白頭有夢  
重來石橋上與君散髮相倡酬

三見當道不值

潭西草樓六

三

懷中刺滅計糊塗菰葉菱花剩一湖自是長官稀  
見客非關末吏慢騎驢徘徊門外逢新鬼笑罵車  
中顧黠奴神武挂冠人徑去遙想當年一丈夫

冶亭中丞游大明湖次韻遙和

秋柳吟殘名士稀滄浪亭上客重歸詩成題徧舊  
歌扇酒醉痕添新舞衣千疊雲山來晚翠半城秋  
水送斜暉一時赤棒無人避盡道前賢獨樂非  
湖西白藕有花無葉神龜笑曳塗誰不能詩空  
寂寞儘堪入畫共歡娛小亭如舫載嘉客大筆作  
椽歸鉅儒每向七橋高處望吟髭撚斷酒腸枯

謝吳南蘋爲作澗西草堂圖

誰如杜甫之草堂乾坤有幾堂無毀無人更說終  
南山况數主家賜第在江河萬古惟此君交遊一  
一皆出羣卽論丹青盡好手韋侯王宰曹將軍何  
事不爲作屏障突兀江頭絕依傍令人神遊浣花  
溪百尺宛然拾級上我有蝸廬聊自娛心知頃刻  
歸虛無老松新竹世不用却勞高士爲摹圖逸史  
一編酒一斗草堂吾於爾何有漸教人識簪纓中  
尙有客如支離叟君家意態真神仙閒官得附青  
雲邊誓願歸休草堂下終收風月三十年

國家三載一舉鄉貢士

天子簡儒臣爲正副主司大吏有監臨責擇丞牧令之  
出於科目者爲內簾官閱士子文而薦之又於其  
間置內監試以佐外監試之所不及

國家之制固如是其明且備也嘉慶甲子秋山東適  
屆鄉試大紳以武定府同知承乏內監試既入門  
惟啓閉是司而薪米肉蔬一切日用瑣屑之物無  
貴無賤皆於監試焉取足喧啾煩囂填塞耳目無  
可當人意者既得卷簾官持卷而告曰是宜薦則  
應曰唯唯宜薦漫不視可否或少披閱之主司則

潭西草續七自序

一

濡筆待曰宜薦則又應曰唯唯宜薦急登簿和紫  
泥印某官某閱薦字於卷上而還之以呈於主司  
亦不置臧否內監試之所得爲如是而已居停在  
聚奎堂東偏瓦房數間粉壁紫土屏頗不陋暇則  
爲五七言詩一二首將出命小胥鈔成編以志一  
時之事非敢言詩也其入也爲八月朔六日壬戌  
出則以九月朔八日辛卯內監試例用紫故以紫  
書詩寧州劉大紳

潭西草續七

寧州劉大紳

甲子秋闈內簾監試作

秋氣沉沉夜漏中一門鎖鑰敢言功任教和仲憐  
方叔莫把顏標認魯公場判東西如列宿簾分內  
外不通風須知

聖主掄材意恐有浮雲蔽太空

文學彬彬鄒魯風青齊表海亦稱雄若教闕閱歸  
衡鑑豈有科名到困窮一路黃花風欲落滿林桂  
子月當空全憑大道無偏黨慰藉十年辛苦功

潭西草續七

示庖人

炊烟一縷出牆遲門外爭傳日影移語汝無嫌供  
給少記曾咬斷菜根時

示阜隸

傳呼不待雞鳴後阜隸聲喧到枕邊我與晨門同  
吏隱煎茶風味讓羣仙

八月初八日作

龍門燒尾有風雷此際相看擁浪來但使姓名堪  
入袋誰能桃李竟忘栽鬱輪袍自負奇遇紅勒帛  
祇歸不才心事羣因明月寄文星炯炯照三台

文戰誰甘敗績歸雄心一鼓入重圍壯如拔幟登  
城少奇似囊沙背水稀懷抱不因科目重文章尙  
恐品題非何人爲語諸先輩報國須傳陸贄衣

初九日作

繞郭山青湖水溶不禁門戶鎖重重唐人通譜舊  
風氣漢代傳經今士宗矮屋文酣成鬪蟻閒官眼  
老負窺龍清秋勝事知堪賀翹首雲開五色濃  
交氣頻看射斗牛問誰立志足千秋尙多炳炳前  
賢事莫但陳陳故紙求檢點科名無李杜湖洄聲  
問有韓歐年來幾許傳人在誰是

潭西草續七

熙朝第一流

落筆銷除得失難當初我亦累孤寒七篇雕鏤求  
全勝一字呻吟恐未安獲鹿竟從蕉葉覆龍仍  
許桂枝攀老來依舊無成局干佛名經枉笑看  
故鄉落落有親朋萬仞龍門勢欲登不識文心近  
何似遙知士氣亦還能老成望副三年選後父人  
借一日升驛路飛騰千里足遠遊藉此慰層層

卽事

夕陽光景未曾殘窮達均成閉戶難且喜今朝老  
名士鬚眉常得隔門看

謂孫淵如先生

向夜

向夜蟲聲聽不孤  
姮娥送影到庭除  
欲將一事先期問  
今歲中秋有雨無

湯月槎刺史索酒

讀騷飲酒百無憂  
名士何須向外求  
政使留中澆數斗  
自然眼底少千愁  
短牆看月偏宜夜  
小院吟蟲正是秋  
况又借書今兩遍  
不應忘却一瓶酬

月槎惠魚膾

難得溪鮮佐酒卮  
易牙膾出味相期  
不將骨鯁魚頭贈  
要我看他燒尾時

潭西草續七

三

冶亭中丞闈中作次韻

東國文心苗胤稀  
人於丞叔得依歸  
城中不愛施高髻  
階下休矜著短衣  
王律金科懸夜月  
蒼松翠柏麗晴暉  
十年回首情無限  
今是何嘗昨日非  
鈴閣森嚴私謁無  
英賢輻輳入參塗  
得天下士抑何樂  
讀海內文差足娛

聖主金甌存姓氏  
門生絳帳萃師儒  
手栽桃李今多少  
葉葉枝枝總不枯

自題木尺

海岱文章入選樓  
一簾風月赴清秋  
昭容玉尺無

尋處手握山中壤木頭

戲贈月槎

時爲內掌卷

烟雨橫江截素鱗無帆小艇自容身歸來大笑祇  
空手網得魚鰕送與人

聚奎堂作

清秋桂子月中稀拂拂香風入棘闈千古文章憑  
玉尺一時科目付朱衣人門甲乙推心易几席丹  
鉛袖手非海岱誰家先白望於今相士不言肥

中秋

客邊又過五中秋怪得今生易白頭遠送笛聲誰

潭西草續七

四

對酒高燒燭影未忘憂假如天上原無月料想人  
間定少愁莫再明年不歸去茫茫海岱賦登樓

名場

清時選佛有名場一樹木犀無隱香積水空庭澄  
夜月凌霄高閣暴秋陽七千士仰山公鑒十二人  
收陸氏莊我似逢花祇許看不教採取學蜂忙

聚奎堂上雜咏

分卷

簾內平分卷一箱森如束筍立如牆不愁散帙較  
人少但恐衡文空自忙羣蟻附枝爭得國衆蜂掇

蕊各歸房扶風不是無絲竹早望彭宣到後堂

閩卷

采藍磨短硯磨穿誰是今秋入穀賢姓氏未通先  
白眼文章無用遜青錢暗中摸索原難事近裏機  
關孰透元忽有光芒來腕底珊瑚擊出海人船

薦卷

得士焚香欲告天衣冠長揖主司前是人不在孫  
宏後此夕應輸祖遜先一縷深心針芥合千尋寶  
氣斗牛懸明珠魚目誰容混九曲曾將蟻細穿

取中卷

潭西草續七

五

高懸素鏡照妍媸月白風清莫更疑不以門人偏  
置後豈於行卷漫相知三年積學有成日一片初  
心難負時從此又傳班玉筍二東人慶得經師

搜落卷

誰人買犢竟還珠驪領蚌胎遺也無懼有馬前投  
瓦礫願從帳後得生徒鹽車已困猶重顧七首無  
成莫再圖半世升沈今日定外間醉夢尙狂呼

撥卷

文字因緣本不差門牆廣大漫相誇秋風同盡三  
條燭夜月分煎七品茶前院笙歌移後院東家桃

李蔭西家十洲三鳥皆仙境誰認安期手種花

落卷

頃刻羣山木葉空秋風原不似春風佳人自惜傾  
城顧名士偏悲去路窮殘月有光誰共照微波無  
語絕難通登高宋玉還能賦只在蕭蕭落日中

刻硃卷

三篇文字達長安計日春花走馬看欲挽一時風  
氣易要平千古士心難街頭買讀燈光暗榜下傳  
朝日影寒好是題重前甲子雷同勦說少窮酸

雨後

潭西堂續七

六

雨氣糝糊雁陣低炊烟壓屋曉烏棲似聞門外人  
歡笑道是今年麥種齊

上萬和圃宮詹用江字韻

珊瑚一網千夫扛買胡大幅爭擊椿鮫鱷震驚海  
水沸珠樓翠閣開晴窗公也衡文有如此昔臨小  
邦今大邦大邦有山長羣嶽厥水曰海容千江其  
人近聖崇經術不稱儀秦羞孫龐近來各自爲風  
氣尙無吠日唁唁屨我公高高挹北斗有時香草  
尋芷荳明如暗室列大炬達如絕壑施長杠從此  
榜又開龍虎漫言齊魯人雜呢

天子知公物望重不教星使迴雲艷桃李在門藥  
在籠七十二城低首降以與相馬肥相士焚香午  
夜神猶慢我家兄弟產荒徼於陸媿二丁慚雙彭  
宣後堂已許到願如老朋依常縱

上黃左田宮贊用江字韻

屹然禹鼎誰能扛詩家筆力移朽椿一時萬牛盡  
迴首蛟龍不敢沈船窗公之姓字早入耳今年銜  
命齊魯邦鸞鳳躡躑下丹穴雲霞旖旎過晴江才  
子文章神仙骨不徒氣體矜高麗鎖闥衡文有餘  
暇夜深小院聞仙屜燭燼香銷月色正秋風拂拂

潭西草續七

七

吹蘭蒞但覺高歌入帝座不知碎影明天杠晚近  
士人習險怪星辰蠶蟻言多屢若無明珠出大海  
安能震動來千艘老眼不迷日五色青袍白紵都  
心降世間豈少師弟子韓愈陸贄難得雙擁被脫  
眉儘聞事撞鐘伐鼓聽錚捰

宮贊再疊前韻見酬再荅一首

小犯大兕紛紛扛田夫待兔空守椿我聞此語常  
大笑終年偃臥惟北窗前月羽書催上道初心不  
負懷此邦畢竟郊寒與鳥瘦不如陸海同潘江塞  
外射鵬自避李治中展驥時輸龐使臣一夕天上

至時聞虎嘯驚羣龙朗鑒高懸古代鏡艷情偶拾  
騷人汪健筆摩空欲摘斗奇才跨海能施杠氣壓  
支昌樂府歇歌凌賓客詩律隴正似天孫住雲漢  
欲往從之無飛艫我向管中得窺豹一班才見心  
早降刻燭未銷鉢猶響又規制作神愈變自是一  
朝必獲五不徒每發時疊雙從此齊聲嘆觀止敢  
持布鼓矜縱捩

贈張石農明府

龍門巖業興爭扛不愁月樁愁水樁雲路前邊石  
頭滑東西搖動玻璃窗

簾官入內輿夫爭先俗語  
龍門今年雨路不可行

潭西草續七

八

也 輿人徐行不敢驟雨中一跌羞東邦驥足牛背

較誰穩何如買棹過吳江况我衰殘氣力少此時  
更合敦淳龐天上無端喚守廁神丹空飼雲中屨  
欲與飛仙爲近侍衣裳珮紉蓀與芷仙家盈盈隔  
秋水車無輿梁徒無杠且喜今朝肯顧我論文不  
恤人言囁鬪險齊駢峻坂馬爭妍共泛清溪艫君  
才十倍世無敵如何不先多士降縱使雌黃尙有  
口中乾外強心久懼玉尺從來未易握璧人自古  
原難雙欲贈一詩甫脫稿晚風落葉聲相撻

調黃澹人明府

澹人和江字韻詩問甚好  
竟不及見爲短歌調之

芸芸質鼎爭相扛視之無異株與椿君有金鐘並  
大鏞深藏不許窺軒窗夔曠下薛世未有如斯懷  
寶非迷邦喜我同舟得仙侶人材東漢詩西江御  
右甘心昔奉李牀前頰首今知麗自謂附庸比滕  
蔡况言四裔鄰冉屨羨君優麟劣虎豹清於秋水  
芳於注假使論文如論戰望風大敵收旆扛美女  
都知有旗鼓市人可使無紛囁好是攻心欲再縱  
堪憐掬指偏盈艘定少孤軍背城借行將舉國銜  
璧降籌畫早令虜胆怯姓名何但兒心懣天下奇  
才本無幾人間國士安可雙夜半風鶴來何處金

戈鐵馬驚相掄

潭西草續七

九

汪粟園明府索詩成此博笑

明湖有約輿不扛小船買就初移棹送入藕花最  
深處紅衫碧袖開小窗橫笛短簫聲未歇秋風落  
日懷鄉那吾有此身吾有患安能一吸傾西江團  
纛坐說無生語白髮蕭蕭思老龐蚤歲學仙太孟  
浪名山惱亂花間厖人世盈腰止服艾悞我獨屨  
籬與苙邇來三任亦自悔粗知涉世求梁杠木屨  
之間牝牡外難禁人語無喧囁畢竟此間少拘束  
羣仙共濟同一艘每誦一詩讀一畫極慚老儂甘

歸降君又索詩如索債我雖口應神爲懣天下才  
祇有一石田中壁固難十隻不如且訂湖邊醉蓼  
花楓葉聽交攏

再酬張石農明府用監字韻

一雙巨眼如銀蟾焚香夜半聽更籤恐有青衫淚  
痕濕細勘欲到秋豪尖得暇長歌更快意一鈎月  
色斜入簾不識平生幾千首卽今險韻曾五拈風  
聞政治行齊魯民懷吏畏寬而嚴退食學肇古築  
印鼻鼻若若難爲厭異時有人立佳傳循良文苑  
君身兼贈我新詩字可數安能一字酬一縑君作  
丹山白鳳舞我同碧水鱗魚驗舊事何堪重上口  
官聲竊取食非廉欲學邯鄲失故步可憐刻劃慚  
無鹽仙界塵實有分別漫言鱗鱗與鷄鷄望君於  
我如校士下中位置詞無謙

蟲聲

蟲聲唧唧似山村粉壁題詩淡墨痕殘月不來人  
睡盡鄉心已到舊柴門

和祝藹亭太史

強和新詩一夜醒不知紅日上窗櫺君侯心跡可  
盟水齊魯人文如列星第恐神仙狂眼白竟忘寒

士破衫青細看此際憐才意多少燈前帶笑聽

贈汪栗園明府

得得憐才醉亦醒夜分明月入窗櫺榜花開處心如枰椽燭銷時鬢欲星幾見索珠嫌水赤自從把卷記燈青知君難忘當年事曾向街前抱鏡聽

鼓角

鼓角聲來一枕中憑窗獨自對秋風酒如許飲須求醉詩不能工只負窮頭上無端生白髮眼前何處見青瞳重陽待與登高望萬壑千巖落木空

聞月槎奉有檢詳落卷之微戲成索和

潭西草續七

十一

久住天台不是家風吹紅紫夕陽斜問君曾嗅花香未要與仙人數落花

贈郭平溪刺史

一輪白月向空橫列坐量才眼界明手不停披嫌夜短胷無成見逼秋清堂前君自論文字榜下人都識姓名可恨朱衣藏暗處點頭悞盡老諸生

秋夜

秋雲壓屋夜沉沉斗憶離家歲月深絕少尺書同雁至第聞四壁是蛩吟詩成原勝得官職夢幻亦能悲客心直待身如閒鶴日溪山好處去追尋

和祝藹亭太史過舊縣寺

蕭蕭落葉打山門舊日山僧有幾存  
野火秋燒新竹籜毒龍夜蟄老槐根  
一龕古佛餘燈影半壁殘詩剩墨痕  
自是不須頻頻望炊烟飛出夕陽村

卽事呈闈中諸公

閱盡文章欲白頭要將衣鉢付名流  
羣公心事千

尋水一代人材百尺樓前輩幾同雌甲子

首題與山東前

甲子科同

江南恐是後春秋亦此首題

從今不用登牆

望撤去高梯得自由

賀董珊映太史得元卷

潭西草續七

三

夢中乘石上天難萬里罡風徹骨寒  
忽報朝來雲五色大家舉首日邊看

魚目龍鱗混得無光芒夜夜射菰蘆  
從前托鉢浴門去忘却衣中大寶珠

宋步武留詩及畫爲別寄荅二首

咫尺成千里相思湖水深和蘇無一字  
懷李正孤吟兩月新交誼三秋故友心  
酬知不酬惠此語是良箴

留書引少鶴志士酬知不酬惠報以心志如松堅語

潭西有草堂種稻水雲鄉城外交游少  
山中日月長南橋容客過東道看人忙

潭名青龍居人引水種稻餘波下注浣江

對岸石穴中一泉名白龍潭有青白二龍潭之稱  
在城外二里許四山中南有大石橋名浣江橋橋  
北有逕可至草堂  
東則入城大道  
潭西草堂  
圖大意

左田官贊畫次元韻

似此溪山買得無輕舟泛泛出蒲蘆昨宵夢入江  
南路黃葉聲中酒可沽

畫家尙愛酒家無紅樹晴江雜赤蘆記得武陵山  
下過一樽時傍白雲沽

重九日侍和圃官詹左田官贊千佛山登高  
千林搖落易悲秋駭綠紛紅久不留獨有黃花瓣

於我故應插上老人頭

城中日日浣緇塵笑煞籬邊采菊人全仗今朝短  
筇竹扶從高處置閒身

九日陪和圃官詹左田官贊及諸同寅千佛

山登高

自笑登高到獨遲路逢遊客下山時帽簷儘有風  
吹落不是參軍世不知

白雲黃葉入秋多石逕迢迢奈若何知有大人新  
賦就白頭空自拾烟蘿

名山名士兩相宜絳節蜺旌總委蛇雲岫烟巒搜

欲遍黔婁洞底識先師

宮贊戲謂黔婁爲祖師

高閣憑闌更渺然  
峭華兩點小於拳  
休將風雨催歸騎  
倦後秋山正好眠

### 陪燕小滄浪亭

落日城頭烟半銷  
聯翩又到鵲華橋  
生憎十頃蘆花岸  
錦纜牙檣也自驕

西湖深處有亭臺  
湖上軒窗面面開  
一片笙歌出秋水  
誰人不醉肯歸來

青荷碧影兩悠悠  
北海遺山句尙留  
魯直新摹摩詰畫  
當筵試寫鵲湖秋

潭西草續七

十四

九華燈影一湖濱  
優孟衣冠亦可人  
若是東山携妓去  
歌聲三日繞梁塵

同石農澹人從和圃宮詹左田宮贊由佛峪至龍洞卽送左田宮贊北旋

峪之奇奇在神山中  
伏處宜幽人洞之奇奇在氣直欲縱橫塞天地  
兩山於我皆舊遊  
心追手摹無時休  
好景俱從險處得  
生機每向難中求  
自笑今年欠瀟灑  
朝逐暮馳晷不暇  
千林樹葉如桃花  
不曾盤空上人馬  
天仙聯騎天上來  
羣公日夜相追陪  
鵲華明湖看不足  
東峪西洞領樽罍  
石逕欽峭

太無理如蟻旋磨蛇出水佛鐫絕壁乘虛空人上  
高巖畫重累靈臺下瞰池水清池邊摩崖題姓名  
是時山靈亦愛客白雲紅葉相逢迎可憐夜短復  
晝短難得仙家刻漏緩夕陽飛上三秀峯洞壑西  
來又一變急著單衫携雙筇然犀委蛇窺蟄龍路  
怯傾危坐不立山嫌平澹奇且雄百年合向此中  
老一日來遊興未了仙人况又不肯留驅車欲返  
長安道我知君詩韓孟偶畫意更似摩詰手君當  
留畫兼留詩莫待明朝別離後

歸路口占

潭西草續七

五

曉烟如幕出城闌夜半歸來月似銀不雨不晴行  
路好始知天亦愛遊人

潭西草續七下

寧州劉大紳

爲嚴香府題畫

有客來濟南圖史壓車軸虹光二千丈震驚市人  
目居停窮巷中侍從少奴僕供養招烟雲譚笑塵  
金玉昨日忽相見乃非在空谷我輩風塵吏竊食  
升斗祿奔走如馬牛不敢計榮辱君胡亦爲爾懷  
刺都滅沒貴人三神山登臨未可卜此間居不易  
相邀結隣曲乃發篋中藏精神相往復是時秋風  
多肅肅響枯木門前客迴車堂上書連屋中庭怪  
石頭宿烟如新沐乃寫丈人圖歌謠相徵逐我固  
疎散人平生難諧俗膝下鑄黃金於石甘屈服感  
君殷勤意爲君題畫幅願作陸生笑勿作阮公哭  
俯仰天地間處處可托足

題畫菊

昨夜西風多落葉辭眾木幽人在何許深山有幾  
曲讀君畫中詩憶我籬邊菊同此三兩枝傍石復  
倚竹

題畫鸚鵡

一羣白頭鳥飛鳴及清曉啞啞復啞啞支公笑絕

倒鸛鶴自能言點點寒林杪舉首望青天四海無  
繪繳

題龍山圖

月落秋山空羣鳥夜號風念我平生友私恨無終  
窮草廬在何所深山又深處千丈高巖泉百尺長  
松樹畫家江南客天末幽人宅平生不相親烟雲  
萬里隔圖成如有神龍山爲寫眞罕見方驚喜再  
思還酸辛家居寡所歡出門長永歎豈謂畫圖底  
邁軸吟考槃委形不可作榮名終有託且作古人  
觀神交付冥漠

澠西草續七下

二

南薌爲刻小行楷石印上奉酬一首

南薌書石如書紙奕奕精光透石底大者鸞鳳泊  
虛空小者蜻蜓戲秋水秦篆漢隸徒紛紛鼎已沉  
淪碑火焚李斯程邈不再見南薌繼起超其羣腕  
下有刁如昆鐸犀象蛟龍氣力弱眼中無石亦無  
刀鬼斧神工何處著南薌擅此良有由八法六法  
深相求開合陰陽含萬象心與物化神天游以茲  
餘事撫秦漢玉璽金章供點竄窗前第見烟雲飛  
燈下何嘗波磔亂我有兩石君治之丹砂印孰形  
霞垂昨日又鐫行楷字蠅頭細微人難窺引以明

鏡承以日一掠一鈎皆點漆乃知棘端能刻猴善  
射真堪巧貫虱晴齋有此吾自娛天機揮灑腴不  
枯祇恐衰年目力減兼愁大力人負趨河圖之石  
授五老綠文赤字希世寶若令見此笑不休世上  
有人竊初稿

觀文少保書歸去來辭敬題

晉亡靖節不亡晉折腰難繫彭澤印宋亡少保不  
亡宋坐臥小樓泰山重兩公心事千秋符一生一  
死非異趨人讀陶詩謂平淡豈知陶詩腴不枯荆  
軻一章露本色正氣有歌公續得何年手書歸去

潭西草齋七下

三

來想見臨池池水黑公之大節人所知公書卽劣  
吾亦師誰信偶然弄柔翰顛張狂素相奔馳鷗波  
舫中亦書此義熙間人欲冷齒那堪厚辱玉帶生  
和墨殷勤汲止水此書與辭同不磨長爲本朝壯  
山河臯羽炎午曾見否使我感激徒婆娑

雲中看華不注歌

雲氣迷離風氣清幻作大海波浪平華山突兀青  
天上芙蓉出水何輕盈人在雲中定不辨我來雲  
外看分明下馬徘徊不能去纔知秀澤非虛名往  
日車中認秋色尙嫌獨立難支撐今朝烟雲相附

麗神鰲海外移蓬瀛宜有仙人騎黃鶴凌空縹緲  
吹玉笙不然或乘彩鸞下清歌妙舞來雙成造物  
亦殊費氣力安能客路匆匆行急尋荆關相告語  
煩君好手爲寫生

同遊香府耐  
村皆工畫

重游佛峪

秋風黃葉最多情引得閒人又出城漫興詩篇宜  
亦淡重游石徑險俱平著書合向山中老採藥宜  
從澗底行尙恐世間知姓字今年不許便逃名

留香府耐村小住

千尋翠壁佛爲國四面蒼巖仙作城我與兩君分

澗西草續七下

四

一席出山不礙夕陽明

洞中作

入山復入洞求竒兼求新上觀甫昂首低視旋曲  
身蛇行而魚貫蠖屈以龍伸將出恨易盡再索驚  
得真但知窮險怪不復論艱辛倦游忽悔悟汗下  
沾衣巾山中境自好洞底休逡巡未識再來日宜  
喜還宜嘖

宿山中

朝來暮不返不是求神仙山月猶未出遊人已高  
眠

夜涼睡易醒開門秋山曉丹楓應笑人黃梁夢未

了  
樹底宿雲淨嶺頭殘月明不知身早起反說鳥無

聲

示山僧

白髮蒼顏共往還詩情盡意滿秋山山僧莫訝重  
來客有幾閒人到此間

題江秬香孝廉任城太守孫夫人碑後

秬香集古師歐陽殘碑斷碣珍空囊昨日新交鳳

石館

余時寓鳳石館

欣然許我觀縹緗自謂神物終不朽

潭西草齋七下

五

西晉隸書世尙有新甫古柏供樵蘇孫夫人碑鬼

爲守或言晉代祇俗書此碑結構如魏初炙日淋

雨野火後磨刀礪劒荆榛餘秬香蠟屐著幾兩免

得共球委草莽匣襦未出荒塚間屬蟲猶躡古墳

上剎苔別蘚相摩挲夫爵子姓均未磨落日深山

發長嘯不勞臆度煩搗訶是時阮公芸臺學使執牛耳

上窮碧落下井底武

虛未

谷桂

朱眼

何華盤敦間一

心同盟如白水碑版正史相稽參紀元授爵繡四

三有句讀時正苦索無形象處偏快譚我不識字

嘗竊聞諸公頗足張其軍君到小滄浪亭上千七

百種策殊勳庚寅甲申辨年月曷不師聖疑且闕  
點畫樸茂文淵深且與窮年共屹屹請看爲父策  
伏昏朋友大義千秋存能使君王亦褒獎定無諛  
詞來墓門祖龍陵寢呂雉豕頌德稱功定泉湧赤  
眉掘盡童兒燒不剩偏旁備一種乃知呵護天無  
私孫羊姓氏星日垂好藉廿行初榻本光芒百丈  
傳一時爲君長短吟未成座間時有環珮聲黃葉  
林乾白雁冷七十二泉泉水清時和香寓潭西精舍歸去携  
來旅館下月色橫窗已半夜不能攷据徒多言黃

圖孫頷愧相謝

小松爲作新甫得碑圖淵如爲題小寶晉齋

源西草積七下

六

題畢蘇橋詩稿

絕不乞人憐詩成萬口傳士非窮徹骨句豈好如  
仙獨對荒村月時聽古寺泉竟爲何處客惆悵夕  
陽天

雪中對鳳石同鄭墨泉李心藻孫允吉

朝烟暮雨客頻干雪際今才一倚闌乍著飛花應  
恐瘦早知徹骨不言寒玉龍銀鳳都相稱瑤館瑤  
臺許共看想到山中無轍跡儼然高臥似袁安

李心

藻以爲亦似龍也故有第五句

題畫

不見真山見畫山客心便欲叩松關摩挲倚壁雙  
簾杖莫化蛟螭獨往還

蒼苔老樹迹模糊遠水遙峯認有無好與山中人  
共住四鄰壁立一亭孤

同張春巖明府登會波樓望鵲華山

不怯高寒更倚樓鵲華風景異殘秋早無熱客爭  
前席尙有良朋共敝裘紅葉依稀辭遠樹白雲縹  
緲入清流仙人一鹿終難借天外雙峯未易遊

和軒蔚起招陪雪泉讌飲呈鄭貫夫

三日不飲酒面上塵俗撲一斗五日不吟詩市井

澠西草續七

七

空作牛馬走伯倫荷鍾真達人長吉奚囊得未有  
生恨不與二子並未能千古稱尙友榻來雪泉泉  
水香有客精光動戶牖門外問字短轅多塔下挈  
瓶重釀厚朝來仙侶移行廚膩給甘逐大車右不  
醉不誦歸來辭旣醉狂歌擊瓦缶是時風日如春  
晴庭餘黃葉池餘鰕君家三絕老鄭虔柳田我家長  
城國無耦春船舊交新知同盡歡好畫好詩在人  
口况是李侯佳句多弟子時時聽王後珙峯刺史  
及楊孝廉軒煩君高唱雪泉篇屬和行看及千首

題王嘯崖樓碧圖

烟巒雲岫兩模糊竹實松華共一圖遠宦不歸今  
幾載爾君真有此山無

出山水濁在山清況有圖書擁百城猿鶴近來都  
長大知君也剩別離情

題棲碧山館詩草後

傲吏從來是散仙新吟舊詠總堪傳格詩中晚窮  
佳境好句推敲近自然茅屋三間秋雨後羊裘一  
襲北風前多應官職聲名累棲碧圖成更可憐

鄭柳田寫鳳石草堂圖見遺賦報一篇

雲山萬里憶吾廬奔走緇塵計太疎好是此間容

潭西草堂七下

八

托足瀟瀟門巷似村居

鵲華山色到城頭十頃明湖水北流龍伯尙嫌無  
結構移來怪石鳳麟洲

風流事業易銷沉廿四草堂無處尋頑石紛紛爭  
姓氏到門枳棘早成林

射虎驅羊事有無點金說法總糊塗老顛自信能  
消受徵罷新詩又索圖

舊句今圖兩不磨湫囂屋宇可如何鄭公樗散稱  
能事借得平泉亭館多

修竹搖風樹拂烟憑窗隱几卽神仙悞他貴客爭

尋館老屋三間不直錢

尙少亭前水半灣綠魚數遍倚闌間與君更作明年約置我蓬萊第一山

柳田許明春更爲作畫

徐耐村贈採芝圖用指頭寫

天龍座下老叅禪石硯硜硜也欲穿笑說當年投筆者不曾染指勒燕然

仙窟靈芝色不枯殷勤採得忘飢無怪君只寫商山叟不寫佳人倚瑟圖

哭王汝玉孝廉

從春船集中得知汝玉於夏間物故

死生千里不相知驚見春船卷底詩造物生才原

潭西草續七下

九

自少科名銷恨永無期鄉園尙寄平安字吾黨猶存夢寐疑未卜何人歸旅櫬桑乾河畔晚風悲

題家春船孝廉詩卷

七卷清吟字字新最難才子是青春傳鈔絕少昌黎怪成就終無杜甫貧自以性情徵學問不將態度汨風塵吾家公幹已千載此日非君誰替人

題李西圃明府松菊自怡圖

長白山前寄一邱今從遺像想風流簪纓易了平生事松菊難忘故國秋放鶴詩成仍有恨換鵝書就未消憂牂牁久已烽烟靜廣柳何時附客舟

題祥麟圖爲東萊姜生桂林

一夕光芒動天地千里百里客廬至老牛倏產麒麟兒此是人間未有事麒麟不畜公卿家高明甲第連雲霞荒村寂寞門巷小牛宮一把茅蓋遮癡婦疾童識雞狗瞥見舉家盡駭走孝穆無人董龍多紛紛往質百歲叟是爲嘉慶二年冬歲在丁巳月黃鍾其地馬哥莊名治平度主人維侯何容容一時過客推姜生丹青顧陸非虛名橐中有筆袖有手街前倚馬橫圖成頭上童然少獨角難定似龍還似鹿自是初生未長成想見嶷嶷亦不觸搖曳

澠西草續七下

十

一尾如塵長滿身麟甲堅有光大小方圓狀非一鱗間圍繞毛赭黃胡然而生胡而死生怕相逢子車子道窮拭袂徒咨嗟暫使千秋知有此傳聞聲作兒呱呱似問鳳皇鳴也無可惜無心相牝牡並忘修廣摹入圖嗟我後來已三載賴有姜生健筆在今朝見畫如見麟不恨河洛匿精彩怪君要我強作詩生祥下瑞難預知忽憶仙人太無理鳥爪摩脯高會時推案不覺怒如虎欲將饕餮試錢斧尋常象著狼藉多孔甲醢龍尙不武君不見駿馬之骨來千金麒麟之皮無處尋黃帝郊天用大樂

元端待聽逢逢音

題瑤泉圖

吳子晨相見出圖置漆几四座共傳觀云是子徐子睥睨坡陀上下俯瑤泉水瑤泉清且幽徐子頤而美細辨誰所作南薊逞厥技乍覺生面開幾欲歎觀止其後又一圖坐嘯林泉裏悠悠水澄泓遠山剝崑自謂似者神昨非今日是我聞昔道子古佛畫巖壘何嘗眼見佛畫中參微旨卽其畫變相地獄豈曾企能令迷者悟涕泣垂不已神似非形似此語良可喜然如凌烟閣功臣紀姓氏又如

溧西草續七下

十一

瀛洲客一一辨爵齒丹青著實際不能懸虛擬舍神形何貴離形神何倚若但取形似續紛有帛史固未兩其口亦未三其耳目橫鼻復直幾人識生苑若但取神似謂得畫家理何不古圖中往擇一佳士云此卽是我必費半幅紙狡獪神仙爲欺人英雄以多方書滿車是非桶沒底兩忘適於道在此不在彼請質圖中人誰譽又誰毀

題澗上草堂圖

蒼茫雲物日銷魂避客幽居澗上村誰似中丞能下士如何不許到衡門

列岫羣巒插大樵古籐修竹認前朝入山知是江  
西客拄杖行過第二橋

再題畢蘇橋詩稿後

此詩非易得不負半生窮大力搖羣嶽深情響亂  
蟲如何無鬼守欲與問天公字字錦囊物聽人投

厠中

蘇橋詩爲人匿  
其大半可惜也

後祥麟圖

豺狼匝地熊羆多磨牙乳虎依巖阿大野風吹落  
日暗牛羊不敢輕寢訛何人綠章達帝右上帝躊  
躕遣仁獸彩雲五色紛輪囷長成軼材侍文囿羣

潭西草續七下

三

厖無故聲喧喧不知天上來麒麟村婦市兒走相  
告停車太息行路人作圖如繪古賢相伊傅呂周  
共頡頏題詩欲續封禪書河馬洛龜齊相望世人  
見少怪固宜祥與不祥各有時西狩莫再紀魯史  
我欲乘之觀鳳儀

題竹根三贊詩畫冊後

未谷先生僧再世金石刻畫小遊戲一朝竹根見  
如來不覺五體齊投地天上地下獨尊者願與此  
君爲近侍妙相如賭黃金身綺語難書貝多字同  
時晴村及筠圃占得蒼筤象無二歲星壽星天上

來共入清淨三昧地三壽作朋語解頤覃溪使者  
更好事尙嫌衣襟杖履間筆墨微茫點畫細特倩  
兩峯子羅子細榻硬黃別位置以寫鬼手寫仙佛  
好趣惡趣各極至生日不須供檀旃七十三泉遠  
相遺世間一切草芥耳土偶桃梗何足識潭西精  
舍老同龕無端去作永平吏山僧秘密人難窺壞  
色衣衫同在笥和香孝廉持示我妙絕未敢輕詫  
異人生本如蜉蝣寄何況南極相擬議大隱直節  
猶可希不爾逃禪亦言志七尺鬚眉男兒身奔走  
風塵豈不媿仙耶佛耶我何知刊畫枝葉見本始  
可惜爛煮喫不得詎若竹林日日醉醉後慷慨報  
恩仇繡絲鑄金差快意

題高司寇畫牛

落日驅牛返言涉清溪流溪流有深淺牛背穩如  
舟兩角巖巖目炯炯腹已出水鼻未浮老嫗攜兒  
遠相望不爲牧人生百憂牧兒挾策只虛喝幾曾  
輕易鞭吾牛赤足雙雙不著襪蹙波跳浪翻優游  
須臾茅屋得歸臥溪流東下何悠悠閒官垂老履  
危險洪濤曾與馳驂駟對此能勿長太息有人岸  
上笑不休未知司寇作此畫身爲牛喜爲牛羞試

看一幘更服謙當欄不肯輕出頭

闍吳和軒有贈鏡圖竟不相示寄詩調之

朝朝攬鏡恨如何才著輕塵手自磨一代紅顏知  
有幾長門照見美人多

終日思春又怨春飛花落絮總傷神娥眉畫就休  
相視省得憐他鏡裏人

鴛鴦夢散各飛還帶笑開奩置袖間此物無情如  
止水不曾留駐可兒顏

誰似風流杜牧之圖成不許外人窺應忘白髮多  
情甚司馬青衫淚濕時

潭西草續七下

十四

此亭名士圖

明於秋水艷於春嬾御沿華恥效頰未必世間真  
有此畫師悞盡冶遊人

相見湖邊第一樓折枝沒骨寫溫柔持歸可似支  
機石抵得銀灣昨夜遊

宵靜焚香伴讀書鵲華橋畔卽仙居再來記取門  
前路一樹歸鴉晚照初

天台鴛牒看分明歸去阮劉華髮生臺負山中諸  
女伴桃花樹底憶卿卿

求章勉卷畫美人

沾泥柳絮笑多年花氣熏人亦破禪莫怪溫柔鄉  
可老圖中乍見我猶憐  
癡情何處覓真真盛服靚妝湖水濱一笑千金全  
不惜恐他不似畫中人

寄庵詩鈔後序

寄庵詩鈔者前名宦滇南劉大紳先生詩也先生  
以名進士起家令長宰吾邑凡四任政績卓卓爲  
治行第一性嗜詩案牘之暇不廢吟咏摠其所著  
不下十餘種茲鈔者滙諸集而合刻之者也板久  
付質庫丁未秋予始約諸同好共爲贖回查其殘  
缺急力爲補足盛以木箱并呈明貯於學宮與  
洋集諸板並列庶不至散失云爾戊申秋九月新  
城後學王茂峻識

